



呂祖忠孝誥醒心經





乾隆三十三年新鐫

唐呂純陽祖師

忠孝誥醒心經

一世所傳呂祖圖像不一
演忠孝誥時曾經自寫
天容道貌望之儼然非世
間丹青所能狀故照刊之

板藏東街口
朱鐘鳴刻坊

中國
書院
藏書

像圖



呂祖忠孝誥

目錄

桂香殿奏善仙卿忠孝誥序

正陽帝君忠孝誥序


忠孝誥總論

忠誥上卷文

諸忠神聖號

并讚

忠誥中卷文



諸忠神聖號

忠誥下卷文

諸忠神聖號



呂祖忠孝誥

重刻忠孝誥序

宇宙間。可以感天地。格神明。令見者敬。聞者慕。名
萬古而不朽者。曰忠臣。曰孝子耳。然忠而不誠。是
謂僞忠。孝而不誠。是謂僞孝。去僞求純。以誠爲至。
蓋誠則篤。篤則純。不見爲忠。在在皆忠。不見爲孝。
在在皆孝。大哉乎。佑帝君忠孝寶誥一書。言言玉
律。字字金科。自舜文周孔四聖人而下。大忠若而

神至孝若而神列其名號讚其實行無非爲天下
萬世勉其忠孝也。卽無非爲天下萬世防其不忠
孝也。蓋天下萬世之人皆秉天地正氣以生靈異
萬類所宜保合各正側身修行於君則忠心心報
國於親則孝念念承懽而且兢兢乎不忠之非孝
也。黽黽乎移孝以作忠也。進思退思而忠不自覺
明天察地而孝不自知斯乃純哉其忠純哉其孝
名當時而傳後世誰不曰某某忠臣某某孝子耶
今姚子方昇請刊行世。呂祖親降寶壇用伸嘉勉
時蒙呂祖竝蘇真同賜臨覽蔣子正校又以序請
於上許之以命余書余喜祖教之盛於此也喜諸
子存心立行之以忠孝自期也故刊行訓世廣爲
傳播有如姚子善不獨善多方引人有如蔣子二
子奉教之心其殆誠而篤矣請刊請序此語以行
果有虔誦敬禮之士宣揚於口領悟於心身體之
力行之勿隣僞忠勿涉僞孝各自奮勉抵於純誠


則生爲忠孝完人。歿爲忠孝名神。有不感天地格
神明於宇宙間者。余未之前聞。桂香殿外奏宣天
下善冊大御史大仙卿史大成敬序。

正陽帝君太上漢鍾離道祖書

忠孝誥序

天地一大蘊廬也。宇宙一大劇場也。山川嶽瀆一大
鋪張也。日月雲霞一大景色也。鳥獸草木一大粧點
也。人處其中。生死壽夭。富貴貧賤。吉凶悔吝。妻財子
祿。一大夢幻也。古往今來。歷年千百。寒暑推移。少壯
老死。一大瞬息也。然數窮則變。德厚則悠。名節完人。
雖死猶生。卽天地混沌。日月晦明。山川崩竭。草木萎

榮而至德所昭。大義所著。歷百千萬劫。亦永存而不替者。娑婆世界。人事茫茫。苦海無邊。衆生碌碌。或矢志空虛。置身於沙漠之鄉。或矯情干譽。居然爲學道之人。無父無君。不忠不孝。甚而似是而非。猶豫於中以刻薄爲嚴明。以迂愚爲忠厚。滾滾紅塵。相胥陷溺。昏昏習俗。共墮輪迴。吾友純陽子。念世教之衰微。憫蒼生之矇昧。特揭忠孝以正人心。奏准頒行。廣佈人間。其立言本意。必酌精忠純篤。至孝無忝者。方得入誥。如少有瑕疵。則不與焉。所作忠誥七十二位。孝誥三十六位。凡六卷。每卷俱有發明。此皆人世所共見共聞。彰明較著者。其餘事跡隱晦。出處罕知。皆不悉贅。以是而知超凡入聖。成佛登仙。莫不由於倫紀綱常之際。以爲進德修業之基也。其有裨於世道人心。豈淺鮮哉。是爲序。



忠孝誥總論

純陽子曰。混沌之初。未有物。先有道。既有道。即有物。



道無形。物有形。有形之物。必載無形之道。何物無道。何道離物。因物命名。因名思義。因義知道。名歸物。物歸義。義歸道。無名。天地之始。有名。萬物之母。合而言之。何物。何名。何義。總括之曰道。無道。即無物。無物。即無名。無名。即無義。道也者。在天地未生之前。即在天地既生之後。道亦一物也。天地亦一物也。萬物總一

物也。一物分萬物也。洪荒初闢。天地生而萬物生。萬物生而人最靈。故易曰。有天地然後有萬物。有萬物然後有男女。有男女然後有夫婦。有夫婦然後有父子。有父子然後有君臣。有父子君臣然後有忠孝之名。蓋人未生之前。漠然無朕。而道在於天地。人既生之後。秉氣成形。而道卽蘊於性中。是天地之道俱在於人身。無有參差偏漏。無有阻礙間斷。舉一身之心。思耳目手足鼻息脈絡筋骨。無非是道。宰於心而發於意。發於意而形於事。本身一天地也。天地一太極也。太極一無極也。於以知道中不止於忠孝而忠孝爲行道之始。孝又爲忠之始。忠孝之德。自賦質之時。蚤已具於性中。宜人人爲孝子。爲忠臣。人人爲孝子。則世永無忤逆之事。人人爲忠臣。則世永無反亂之日。乃天運不常。人心多故。胞胎之時。忠孝之心。渾然焉。嬰孩之時。忠孝之心。油然而焉。及長而嗜慾惑其心。妻子變其心。財帛搖其心。爵祿動其心。得失橫其心。

利害間其心。而忠孝之良能已盡失其本來矣。使予今日欲世人生而爲忠臣孝子則難。勸世人學而爲忠臣孝子則易。至於學之之法。當讀書以明其理。持敬以養其心。積誠以動其意。舉念以察其私。獨行獨寢。如君親之臨也。一行一動。如君親之訓也。入而家庭。出而朝廷。竭其力而不敢自以爲孝。人自稱其孝。致其身而不敢自以爲忠。人自稱其忠。然忠孝未有不相因者。古云。求忠臣於孝子之門。能孝卽能忠。能

忠必先孝。雖成名各有不同。或以忠顯。或以孝顯。要其理則一也。故純忠純孝。非生知聖人不能。而大忠至孝。智愚皆可勉至。所謂純者。全體大德。至精至微。無絲毫間議。天地以道付我。我卽以道全還於天地。天地且賴其參贊。化育其殆聖之神乎。所謂大與至者。就其大段而言。忠行孝德。膾炙人口。天地以道付我。我無愧於天地之道。且有功於綱常名教。其殆賢人以上者乎。神聖不可妄希。賢哲宜爲效法。庸常之

道功不求之遠而求之近。事不取之難而取之易。同
爲天地所生之人。彼則神靈千古。已則湮沒無聞。於
此當大加猛進。欣然改過。每見世之人。學佛學仙。發
心發願。苦加修行。一念之不忠孝。仙佛卽時棄絕。妄
廢其功。蓋古今無不忠孝之神仙。無不忠孝之佛祖。
仙佛必自忠孝中來。木有根。水有源。離忠離孝。非佛
非仙。余特爲世人指出。忠孝之至。可以格天地。可以
泣鬼神。可以動風雷。可以致雨雪。可以蹈江河。可以
飲雪似嘗湯。吞氈如食豢。單于不久留。天子得帛
雁。

營平侯趙充國大忠神

總三軍。智勇聞。塞下粟。莫如屯。

槐里令朱雲大忠神

檻可折。佞臣之頭不可留。下從龍。逢比干遊。

司隸鮑宣大忠神

慷慨陳言。髡鉗至寃。誰救司隸。來集此旛。

東郡太守翟義大忠神

戰而勝。漢之福。戰不勝。死瞑目。食君之祿。毋得縮。忠侯馬援大忠神

老將征蠻生度鬼門關。銅柱勳高不可攀。

定遠侯班超大忠神

玉門關。玉門關。投筆封侯幾時還。

京郡太守臧洪大忠神

徒跣請兵。與洪同死。不與將軍生。

北海太守孔融大忠神

北海牧電如日。當時事盡堪哭。寧爲漢死。羞爲曹僕。

武侯諸葛孔明大忠神

操如鬼。公似龍。二十八縮列心胸。七擒六出少追踪。

壽亭侯關羽大忠神

讀春秋。秉燭妨嫌大節留。桃園不似舊。空留遺恨。

滿荊州。

征南大將軍羊祜大忠神

緩帶輕裘名士風流。

彭澤令陶潛大忠神

五柳先生東籬花發一壺傾處士墓表晉名。

平章事褚遂良大忠神

撲殺此獠佳兒佳婦恨難消。當年顧命不終要血淚灑天朝。

梁公狄仁傑大忠神

后而帝古今稀。博陸一局賭朝衣。片語轉危機。堂堂宰相正邦畿。

始興文獻公張九齡大忠神

文章事業一人足。特上千秋金鑑錄。曲江風度何人續。

廣川都督宋璟大忠神

鐵石心腸。賦得梅花滿鼻香。

忠言上卷
鄴侯李泌大忠神

懶殘懶殘。十年宰相。令人寒。夜深明月冷蒲團。白衣去。紫衣還。

汾陽王郭子儀大忠神

用爾誠。去爾智。赴虜止單騎。

睢陽張巡大忠神

睢陽睢陽。士卒無糧。羅雀雀盡。殺妾妾亡。死爲厲鬼。制賊猖狂。

睢陽南霽雲大忠神

斷指請兵。愧殺進明。男兒仗義。視死如生。

忠節公顏杲卿大忠神

牧羊奴。犯西都。十七郡。應聲呼。

魯公顏真卿大忠神

歷三朝。白髮蕭蕭。氣節孤標。八十年來大限交。忠魂何處招。

忠烈公段秀實大忠神

忠言上卷
仗忠節。心如鐵。笏擊賊。頭顱血。謀不成。兮臣命絕。
文公韓愈大忠神

一封章。貶潮陽。霧開光。鯉潛藏。藍關上。費思量。
晉公裴度大忠神

破蔡功奇。撫蔡心慈。勳高華夏。名播外彝。

宛平劉蕡大忠神

宦寺廢君如逐鹿。一字還當一痛哭。直言下第不
須愁。滿朝卿相抱頭縮。

韓國公富弼大忠神

兩國名。一字爭。使臣膽。大宋聲。

萊國忠愍公寇準大忠神

立功難。立功難。功成謗起令人寒。雷州猶有寇公
屋。滿目森森圍綠竹。百姓過之俱一哭。

魏國忠獻公韓琦大忠神

立二帝。相三朝。寒西賊。阻青苗。事業昭。

潞國忠獻公文彥博大忠神

白髮蕭蕭執紀綱。恩隆十日詣都堂。文盡職武安
疆。西海春風到處揚。

河內公司馬光大忠神

生平無事不堪傳。走卒兒童識大賢。一自宣仁晏
駕後。黨人碑樹淚涓涓。

汝南文正公范仲淹大忠神

一家哭。一路哭。貪吏終朝剝人肉。甲兵滿腹西賊
聞之心膽縮。

叅知政事唐介大忠神

仗忠信。任風波。彈章不厭多。骨鯁任君磨。

清獻公趙抃大忠神

鐵面御史花驄至。止一琴一鶴。清心如水。

開封守包拯大忠神

銅肝鐵膽不容情。笑一笑。黃河清。

隴西公李綱大忠神

虜騎橫薄西城。書生無奈領殘兵。孤忠奮激調度

分明

太學生陳東大忠神

上書不止。成仁而死。從容就市。烈哉君子。忠臣含
淚。奸臣喜。

副元帥宗澤大忠神

心勤帝室。眼識英雄。

崇正殿學士王安國大忠神。

青苗錢。四海顛。兄執拗。弟稱賢。拗與賢。萬古傳。

徽猷閣學士洪皓大忠神

冷山冷山。白首而還。

豐國公趙鼎大忠神

身騎箕尾歸天上。氣作山河壯本朝。壯本朝。愧同
僚。有日裏。殄鴟鴞。

學士虞允文大忠神

采石磯頭志氣高。大功勞。大功勞。書生不著戰時
袍。羞殺將軍掛大刀。

忠簡公胡銓大忠神

檜議可成。檜肉可烹。小朝廷。寧蹈海死。羞作卿。

烈士施全大忠神

拋一身。乾坤冤氣盡。皆伸。事不成。英魂留得作忠神。休疑聶政一流人。

文公朱熹大忠神

古之文。秦始焚。古之教。漢帝分。三代而後一聖人。講學東南得道真。正心誠意動君民。

江西招討使謝枋得大忠神

賣卜賣卜。世人漸熟。慇懃聊作一書復。留得丹心青史讀。

忠節公李芾大忠神

號飲度殘更。血淚無聲。潭城外。殺氣橫。臣力已竭。臣心已明。

越國公張世傑大忠臣

一君立。一君亡。天厭趙。兮颶風揚。上達臣心一瓣。

香。

左丞相陸秀夫大忠神

一塊肉。不得復。海水滔滔與君宿。千古興亡何代無。元人歡喜宋人哭。

信國公文天祥大忠神

餓不死。奔千里。十七史。何處起。曰成仁。素所履。

幽國公余闕大忠神

註周易。談軍事。翩翩良將國所器。守孤臣。賊兵熾。

一家死義生平志。

學士方孝孺大忠神

木末亭。忠魂號哭暗星辰。九族是何人。空留白骨。

委江濱。

兵部車駕司楊繼盛大忠神

九死一生。忠心未泯。五奸十罪。惡狀難形。

聖教得統。大忠至孝。光明通顯。靈應少保。樞密副使。

武昌武穆岳公。護善大天尊。

末運挺生忠孝性成。勦除積寇。威振金城。雄如兀
兀。聞名卽驚。請命終喪。目幾失明。帝曰戒酒。遂絕
兕觥。軍來仙鎮。義勇俱盟。黃龍寨裏。指日稱平。金
牌忽下。馬首派傾。天地變色。奸諛可烹。風波亭上
草木無情。魂遊天府。上帝鑒誠。神靈宇宙。萬古佳
聲。

忠誥上卷終

忠誥中卷

純陽子曰。生爲名臣。死爲名神。臣不易名。神不易名。
世人昏昏。不察其真。天地之間。孰爲重。人爲重。人之
中。孰爲尊。君爲尊。君之下。孰爲貴。臣爲貴。臣之內。孰
爲美。忠爲美。世人有言。願爲良臣。不願爲忠臣。此卽
道中門外漢。此卽道中瞌睡翁。何知有良。何知有忠。
逢堯舜之時。皐夔稷契。良臣也。逢桀紂之時。龍逢比
干。忠臣也。龍逢比干。處堯舜之世。亦願爲良臣。皐夔

稷契處桀紂之時。亦不得不爲忠臣。所謂忠者。誠一
無欺。盡心竭力。敬事後食。坐鎮朝端。大節不撓。小行
必謹。至於臨難死義。不事二君。乃天地大道。人生至
性。譬如女子。夫死重嫁。承一夫顏色。復承一夫顏色。
回憶前情。稍有烈氣者。豈不羞殺。是知馮道蘇循之
流。乃畜類同歸。雖位至卿相。祿享千鍾。乞人不屑。何
況於有志氣者。故可以經綸廊廟。致治清明者。即可
以犯顏敢諍。捍禦封疆。視死如生。爲忠爲良。易地皆
然。特時數不同。遇主有異。世人莫作兩般看。莫作難
易想。幸而太平無事。主聖臣良。景星慶雲。昭其應。嘉
禾瑞麥。致其祥。是先帝之靈。蒼生之福。社稷之長。爲
臣而享富貴榮華。遇也。不幸而君驕臣諛。誅戮賢良。
煩擾海內。奸雄草寇。竊據一方。地震山崩。時逢災變。
是上天之怒。蒼生之災。社稷之促。爲臣而困苦患難。
盡節以終。分也。知遇與分之所在。則不怨於天。不尤
于人。盡已之心。聽天之命而已。余每讀史。看歷代以

言中卷
來有獲忠良之名。而究無忠良之實者。有二。有先事
一君。不見其忠。繼事一君。方見其忠者。亦有二。余今
爲世人拈出。一則翹君之過。以沽直名。多刻諫草。以
傳子孫。一則生平奸回敗國之事。臨難死節。以蓋前
愆。此有忠之名。究無忠之實也。一則待之薄者。以薄
報之。待之厚者。以厚報之。一則重惜其死。甚愛其才。
另結英君。以盡其職。此一君不見其忠。一君方顯其
忠也。然此四者。余雖拈出。世人亦不可輕略。彼其人
殊有可憐憫之處。比於純忠大忠者。則不能較於不
忠不良者。則遠勝。今世人既立心爲忠臣。則當取純
忠大忠者。以爲模範。不可錯認優孟衣冠。作孫叔敖
可也。抑忠不必於大處觀之。正於小處觀之。不必於
人知見之。正於不知見之。小事盡則大事無不盡。不
求知而人自知。然小者非小忠之謂。不知者非淡漠
之謂。一事之舉必勤。一言之發必誠。如陶侃之運甓
齋頭。程頤之折柳必諫。此其小者也。然小事如此。大

事可知。夙夜小心。無慚屋漏。如趙盾之食魚餐。楊震之辭暮金。此不求人知者也。然誠於內者。必形於外。辦忠至此。則知生爲名臣。死爲名神。非一事可假。一朝可至。世之人當油然思恍然悟。而知人之重。君之尊。臣之貴。忠之美矣。純陽子說忠誥中卷畢。

虔誦有請衆忠神來臨曰 志心朝禮 凡三拜

旋乾轉坤。純忠純孝。揖讓大德神聖。有虞大舜帝。無極至尊。

配天合地。純忠純孝。作述大德神聖。周西伯文王。無極至尊。

定禮成樂。純忠純孝。制作大德神聖。魯國周公。無極至尊。

傳道正德。純忠純孝。大成大神大聖。先師孔子。無極至尊。

志心皈命禮 凡一拜

丞相比干大忠神

清惠侯伯夷大忠神

仁惠侯叔齊大忠神

衛大夫石碯大忠神

衛大夫甯俞大忠神

趙客程嬰大忠神

趙客公孫杵臼大忠神

鄭大夫公孫僑大忠神

越大夫范蠡大忠神

三閭大夫屈平大忠神

安平君田單大忠神

天下士魯仲連大忠神

趙上卿藺相如大忠神

秦大夫茅焦大忠神

留侯張良大忠神

大中大夫賈誼大忠神

丞相申屠嘉大忠神

江都相董仲舒大忠神

中郎將蘇武大忠神

營平侯趙充國大忠神

槐里令朱雲大忠神

司隸鮑宣大忠神

東郡太守翟義大忠神

忠侯馬援大忠神

定遠侯班超大忠神

東郡太守臧洪大忠神

北海太守孔融大忠神

武侯諸葛孔明大忠神

壽亭侯關羽大忠神

征南大將軍羊祜大忠神

彭澤令陶潛大忠神

平章事褚遂良大忠神

梁公狄仁傑大忠神

始興文獻公張九齡大忠神

廣川都督宋璟大忠神

鄴侯李泌大忠神

汾陽王郭子儀大忠神

睢陽張巡大忠神

睢陽南霽雲大忠神

忠節公顏杲卿大忠神

魯公顏真卿大忠神

忠烈公段秀實大忠神

文公韓愈大忠神

晉公裴度大忠神

宛平劉蕡大忠神

韓國公富弼大忠神

萊國忠獻公寇準大忠神

魏國忠獻公韓琦大忠神

潞國忠獻公文彥博大忠神

河內公司馬光大忠神

汝南文正公范仲淹大忠神

叅知政事唐介大忠神

清獻公趙抃大忠神

開封守包拯大忠神

隴西公李綱大忠神

太學生陳東大忠神

副元帥宗澤大忠神

崇正殿學士王安國大忠神

徽猷閣學士洪皓大忠神

豐國公趙鼎大忠神

學士虞允文大忠神

忠簡公胡銓大忠神

烈士施全大忠神

文公朱熹大忠神

江西招諭使謝枋得大忠神

忠節公李芾大忠神

越國公張世傑大忠神 左丞相陸秀夫大忠神

信國公文天祥大忠神 幽國公余闕大忠神

學士方孝孺大忠神 兵部車駕司楊繼盛大忠神

以上各一拜

聖教得統大忠至孝光明通顯靈應少保樞密副使

武昌武穆岳公護善大天尊 三拜

忠誥中卷終

忠誥下卷

純陽子曰。古今來有無用之人。而不得謂之不忠者。有有用之人。而不得見其忠者。碌碌庸才。但袖手傍觀。歲縻廩祿。留之無益。去之無損。如公孫弘之三公布被。盧懷慎之伴食中書是也。此可稱為無用之人。而不可加以不忠之名。權衡者。誠能慎之於始。進則因才授職。名器不致濫叨。而朝廷得人矣。有才堪王佐。學貫天人。經綸滿腹。處之閒散之地。無所見其長。

因浪跡於江山。陶情於詩酒。如李白之識子儀。杜甫之依嚴武。是也。此可稱爲有用之人。而仍不得盡其忠之事。秉軸者。果能登之於要路。則得權行道。必有非常之功業。而草野無遺賢矣。余所謂忠臣者。原非從利害上計較。天王明聖之戴。不可一日去於胸中。君臣之大道然也。今卽以利害論。則忠臣之利居多。奸臣之害不少。古今報應。昭昭不爽。如比干諫紂而死。飛廉逢紂之惡。在當時。飛廉豈不揚揚自以爲得計。及牧野之師起。武王於比干之墓。則封之。於飛廉。則驅於海隅而戮之。死之先後。曾幾何時。而比干之香名萬載。飛廉遺臭千年。利害不大相懸絕哉。且奸臣不獨人得而誅之。卽天終必誅之。如賈充秦檜。惡貫滿盈。二人本皆有子。充檜之婦。妒而殺之。此天譴也。特假妒婦之手耳。夫絕嗣大事。因一人奸惡。遂絕千年宗祀。豈不昭然顯應哉。此特槩舉一二人之報應。以醒悟爾世人。夫自古之奸臣。未有安享無事者。

不顯滅其身。必戮其子孫。如董卓曹操韓侂胄史彌遠之報應。簡冊之中。歷歷可數。爾世人不見近世之盡難者乎。一身既死。朝廷必蔭其子孫。加以贈諡。卽換朝易姓。亦必追錄忠良。載在青史。若奸臣則宇宙罵不絕口。雖孝子慈孫。不能盡其愆。利害如此。世人何憚不爲忠臣。而願爲奸臣哉。今而後。已仕者當打點心腸。光明正直。烈烈轟轟。爲一忠臣。未仕者一飲一食。當感君恩。慕拜賜之風。絕逢迎之事。一旦立朝。自可爲忠臣。卽終身不仕。亦無愧於天地神明。余說忠誥至此三卷。惓惓欲世人盡忠之意。至矣盡矣。倘執迷不悟。不獨負天地。負君王。且負余一片婆心矣。純陽子說忠誥下卷畢。虔誠有請衆忠神來臨曰。志心朝禮。凡三拜。旋乾轉坤。純忠純孝。揖讓大德神聖。有虞大舜帝。無極至尊。

極至尊

定禮成樂。純忠純孝。制作大德神聖。魯國周公無極至尊。

傳道正德。純忠純孝。大成大神大聖。先師孔子無極至尊。

志心皈命禮 凡一拜

丞相比干大忠神

清惠侯伯夷大忠神

仁惠侯叔齊大忠神

衛大夫石碯大忠神

衛大夫甯俞大忠神

趙客程嬰大忠神

趙客公孫杵臼大忠神

鄭大夫公孫僑大忠神

越大夫范蠡大忠神

三閭大夫屈平大忠神

安平君田單大忠神

天下士魯仲連大忠神

趙上卿藺相如大忠神

秦大夫茅焦大忠神

留侯張良大忠神

大申大夫賈誼大忠神

丞相申屠嘉大忠神

江都相董仲舒大忠神

中郎將蘇武大忠神

營平侯趙充國大忠神

槐里令朱雲大忠神

司隸鮑宣大忠神

東郡太守翟義大忠神

忠侯馬援大忠神

定遠侯班超大忠神

東郡太守臧洪大忠神

北海太守孔融大忠神

武侯諸葛孔明大忠神

壽亭侯關羽大忠神

征南大將軍羊祜大忠神

彭澤令陶潛大忠神

平章事褚遂良大忠神

梁公狄仁傑大忠神

始興文獻公張九齡大忠神

廣川都督宋璟大忠神

鄴侯李泌大忠神

汾陽王郭子儀大忠神

睢陽張巡大忠神

睢陽南霽雲大忠神

忠節公顏杲卿大忠神

魯公顏真卿大忠神

忠烈公段秀實大忠神

文公韓愈大忠神

晉公裴度大忠神

宛平劉蕡大忠神

韓國公富弼大忠神

萊國忠愍公寇準大忠神

魏國忠獻公韓琦大忠神

潞國忠獻公文彥博大忠神

河內公司馬光大忠神

汝南文正公范仲淹大忠神

叅知政事唐介大忠神

清獻公趙抃大忠神

開封守包拯大忠神

隴西李綱大忠神

太學生陳東大忠神

副元帥宗澤大忠神

崇政殿學士王安國大忠神

徽猷閣學士洪皓大忠神

豐國公趙鼎大忠神

學士虞允文大忠神

忠簡公胡銓大忠神

烈士施全大忠神

文公朱熹大忠神

江西招討使謝枋得大忠神

忠節公李芾大忠神

越國公張世傑大忠神

左丞相陸秀夫大忠神

信國公文天祥大忠神

幽國公余闕大忠神

學士方孝孺大忠神

兵部車駕司楊繼盛大忠神

聖教得統大忠至孝光明通顯靈應少保樞密副使

武昌武穆岳公護善大天尊 三拜

忠誥下卷終

忠誥下卷

呂祖孝誥

目錄

孝誥上卷文

諸孝神聖號

并有讚

孝誥中卷文

諸孝神聖號

孝誥下卷文

諸孝神聖號

忠孝誥總跋

題忠孝誥詞十首

孝誥上卷

純陽子曰。孝之義大矣哉。夫孝德之基也。忠之門也。天之心也。地之程也。人之本也。不孝則德之基傾。忠之門塞。天之心覆。地之程缺。人之本賊。傾則仁義禮智無其根。塞則經綸事業閉其庭。覆則日月鬼神促其生。缺則東西南北失其衡。賊則視聽言動亂其真。故基立而百行端。門開而行藏裕。心順而福祿集。程全而心志泰。本安而枝葉茂。則大乎德。通乎忠。感乎

天應乎地。成乎人。千古嘖嘖。稱爲孝子之名。夫哀哀
父母。生我劬勞。懷抱而冀其步履。步履而冀其成立。
疾則思其愈。長則思其賢。賤則思其貴。貧則思其富。
爲之顧復。爲之提攜。爲之飲食。爲之衣冠。爲之擇師。
爲之娶妻。爲之立產。爲之欣喜。爲之恐懼。人年不滿
百。而一生心血。半世經營。止爲子孫用盡。以是知天
下無不是之父母。而人間有不順從之子孫。蓋天下
事有待。而孝無待。待其富。如終不富。而親莫留。待其
貴。如終不貴。而親忽逝。天之歲月。不爲父母久邀。人
子之心。昊天罔極。故志士常惜寸陰。孝子當惜分陰。
孝子之心。本一。孝子之分。不同。玉食萬方。孝也。菽水
承歡。亦孝也。七廟追封。孝也。春秋家奠。亦孝也。天子
有天子之孝。諸侯有諸侯之孝。卿大夫有卿大夫之
孝。士庶人有士庶人之孝。孔子之謂五孝。遇分而薄
其親。非孝也。違分以悅其親。亦非孝也。盡已之分。行
孝之事。是孝而已。然人生有二恨。嬰孩之際。只知嘻

戲侍親之愛。肆已之爲。未能曲盡。敬親之道。恨也。長而毛裏之念常生。音容之追已渺。雖珍饈醴酒。不能起親于九泉。風木之悲。終身浩嘆。恨也。知此二恨。則父母雙全。言笑依依。承歡膝下。人生大幸。自當晨昏定省。竭盡孝思。在一日則伸一日之報。在一刻則伸一刻之報。庶返心不愧。顧影無慚。否則悔將何及。今世之人。不孝者。因父母怙愛。家庭之常。忽略過度。禮節不生。色慾日深。天恩漸薄。對妻子之日長。對父母之日短。與妻子之言多。與父母之言少。此等之人。俱係下愚。賢哲不齒。神明見氣。故家庭之間。不可一日廢禮。廢禮則慢生。慢生則釁起。釁起則間出。是以父坐子立。嚴矣。行之而覺安。冬溫夏清。煩矣。久之而心悅。親未食。已不敢食。親未飲。已不敢飲。親未衣。已不敢衣。親未命。已不敢出一步。而不敢忘孝。一言而不敢忘孝。一事而不敢忘孝。親在不敢以身許人。親在不敢以遊爲名。親在不敢以忿易生。親在不敢以險

可乘。夢寐之中。而孝思自存。非要譽于朋友。非求名于朝廷。非邀福于鬼神。孝德所昭。朋友自稱之。朝廷自顯之。鬼神自祐之。可以爲德之基。忠之門。天之心。地之程。人之本矣。純陽子說孝誥上卷畢。

虔誠有請衆孝神來臨曰

志心朝禮 凡三拜

旋乾轉坤。純忠純孝。揖讓大德神聖。有虞大舜帝。無極至尊。

配天合地。純忠純孝。作述大德神聖。周西伯文王。無極至尊。

定禮成樂。純忠純孝。制作大德神聖。魯國周公。無極至尊。

傳道正德。純忠純孝。大成大神大聖。先師孔子。無極至尊。

志心皈命禮 凡一拜

仁讓公泰伯至孝神

孝言上卷
被髮文身。曲體其親。荆蠻開國。篤生聖人。

恭恪公申生至孝神

東山師。金玦偏衣。不用辭。三五耦。晉室悲。君安驪
姬死無時。

異節公伯奇至孝神

伯勞伯勞。飛在山之麓。思親不見。終朝哭。勸世人
妻死莫輕續。

誠一公會子至孝神

心與親同。嚙指而通。羊棗興思。自不窮。孟曰。養志
幾代家風。

勇感公子路至孝神

白雲悠悠。雙親莫留。累茵列鼎。枉南遊。負米當年
何處求。

誠感公閔子至孝神

母在兒寒。母去兒單。三子單。何如一子寒。至言動
父古云難。

純謹公高子臯至孝神

執親喪泣血三年斷人腸。哀日深。笑日忘。思親常在白雲鄉。

純感公穎考叔至孝神

小人有母。未嘗君。羹君有母。悔誓黃泉。何日迎。洩融融。天性明。愛母及君。純孝聲。

謹恪公樂正子春至孝神

師訓心頭錄。全體還親腹。傷其足。不出屋。孝子心。

恭而肅

漢太宗孝文帝至孝神

孝事親。德化民。諡曰文。一聖君。

誠毅女緹縈至孝神

妾父廉平。死者不可復生。願入宮庭。除父刑。生男莫重。生女莫輕。上書救父。令人驚。

順惠女桓少君至孝神

脫却綺羅換布裳。鹿車共挽去歸鄉。拜姑禮畢忙。

提甕愧殺當時紅粉妝。

堅節女陳孝婦至孝神

青年十六夫死養姑勤訪軸。丹書來屋黃金盈簏。孝婦名千載錄。

清簡公茅容至孝神

避雨無心結友生。一經衡品便成名。厨下宰雞聲。堂前動客情。供母延賓孝子行。厚薄自分明。

仁感公薛包至孝神

後妻續前兒。逐里門舍外宿。灑掃堂前。父怒生思。親不得晨昏哭。晨昏哭。親心非槁木。

義隱公王褒至孝神

讀蓼莪。廢蓼莪。墳前枯栢淚痕多。三徵七辟。我心則那。手無斧柯。奈彼晉何。

誠感公陸績至孝神

橘花香。橘子黃。思親一食未能忘。七歲兒郎。袖中懷得滿庭霜。

誠懿公江革至孝神

孝子莫愁貧。行傭可養親。孝子莫愁賊。誠至動兇人。

順感公王祥至孝神

天上雀飛。水內魚肥。解冰入幕。動慈闈。

敬懿公孟宗至孝神

綠竹綠竹。孝子何須哭。勁節虛心。感應速。

雍穆公王延至孝神

西風寒短衣。單貧自貧兮。親自安。

誠悅女唐夫人至孝神

堂上乳姑心愈固。有子有孫如新婦。孝敬相傳高。

崔戶

文敬公庾黔婁至孝神

到縣末旬。身繫官分。心繫親。嘗糞心驚。稽顙北辰。

這孝子。天性純。

文懿公何子平至孝神

情事未伸。天地一罪人。葺屋何須覆已身。

誠敬公韓伯俞至孝神

年年此杖還著肉。今年此杖須痛哭。親力不復。親力不復。親力不復。恐衰顏韶光迅速。

誠感公董永至孝神

人間孝子室長貧。室長貧。風雨蕭蕭不葬親。仙姬特遣下紅塵。不是真。又是真。

誠悅公老萊子至孝神

身上衣五色斑。嬰兒啼悅親顏悅。親顏採藥何須煉九還。

肅穆公丁蘭至孝神

刻木爲容如親復。朝朝禮拜誠而肅。眼中流血親何哭。這頑妻。宜逐。宜逐。

勇敢女盧氏至孝神

冒白刃。護姑身。有仁義。始稱人。

恭肅公黃香至孝神

冬溫夏清。不忝所生。

節孝公徐積至孝神

孝自天生。舉足心驚。終身不踐石。徐行。

誠愍公朱壽昌至孝神

母子相離五十春。棄官流涕入西秦。同州得見親。

至感公郭巨至孝神

供母不足懷中兒哭。嬌兒反分慈母肉。埋在青山

麓。天賜黃金堪一斛。

三保公姜詩至孝神

躍鯉湧泉。至孝動天。

誠謹公毛義至孝神

萬事可續。親年不復。捧檄心歡。親去何如。親在食

君祿。

忍毅公張公藝至孝神

九族九族五百年前共親腹。忍字足。親親睦。

聖教得統大忠至孝。光明通顯靈應少保樞密副使。

武昌武穆岳公護善大天尊。

末運挺生忠孝性成。勦除積寇。威震金城。雄如兀
兀。聞名卽驚。請命終喪。目幾失明。帝曰戒酒。遂絕
兇觥。軍來仙鎮。義勇俱盟。黃龍寨裏。指日彌平。金
牌忽下。馬首淚傾。天地變色。奸諛可烹。風波亭上。
草木無情。魂遊天府。上帝鑒誠。神靈宇宙。萬古佳
聲。

孝誥上卷終

孝誥中卷

純陽子曰。水無源則竭。木無根則彫。屋無柱則傾。山
無脚則崩。天地無氣以舉之則墜。日月星辰無天以
繫之則滅。山川草木無地以載之則絕。故天地生人。
父母生子。人本於父母。卽本于天地。人無孝則何以
爲人。余今爲世人說孝。夫孝有十。一曰承顏。承顏者。
父母有笑容則喜。有溫色則懼。已有喜。當父母之前
則增。已有怒。當父母之前則消。無喜無怒。父母見之。

不堪有喜有怒。父母見之亦不常。惟婉容悅色言笑
依依。始可謂之承顏。二曰順。令順令者。父母欲之東。
已不可強之西。父母欲之南。已不可強之北。父母欲
賞一人。已不可曰不賞。欲罰一人。已不可曰不罰。惟
適其意。行其願。養志無違。始可謂之順令。三曰寬心。
寬心者。父母于日用則心謀之。于禍患則心防之。于
子之不肖則心恥之。于子之疾病則心憂之。惟不以
日用累其心。禍患恐其心。不肖勞其心。疾病虞其心。
泰然自適。優遊無礙。始可謂之寬心。四曰敬身。敬身
者。言動視聽之非。俱足辱親。令名舟車飲食之損。俱
足虧親全體。惟口無妄言。行無妄動。立無妄視。坐無
妄聽。車而恐墜。舟而恐覆。飲而恐醉。食而恐傷。始可
謂之敬身。五曰善養。善養者。天未寒。撫父母之背曰。
得無寒。寒則添衣。時未饑。進父母之前曰。得無饑。饑
則進食。已雖短褐。親必備裘葛。已雖藜藿。親必極滋
味。始可謂之善養。六曰繼美。繼美者。親用一人。已不

敢改之。親行一事。已不敢更之。親遺一業。已不敢變之。親留一言。已不敢忘之。待親之人愈厚。視親之事愈重。守親之業愈謹。記親之言愈深。始可謂之繼美。七日格非。格非者。君之過。可以犯顏敢諍。親之過。不可以直言明辨。君以義合。親以恩合。親有大過。惟積以誠意。動以至情。婉言不從。繼之號哭。天性之間。必有動者。始可謂之格非。八日調疾。調疾者。父母有恙。請明醫。慎風寒。躬親湯藥。嘗飲食。衣不解帶。夜不成寢。食不知味。久而耐煩。愈而心樂。始可謂之調疾。九日盡哀。盡哀者。父母之恩。百年莫報。父母之終。千秋永別。臨沒而淚流血。心如裂。含歛而聲如塞。容如墨。送喪而往如慕。返如疑。水漿不入于口。苦塊不離于身。音樂不聞于耳。笑談不見于齒。自三日三月至于三年。哀于禮有節。哀于心不忘。始可謂之盡哀。十日追思。追思者。春而奠。秋而祀。生而哭。忌而泣。節而哀。時而獻廟而新。墳而掃。觀風木而興悲。觀白雲而長。

往執遺器而悽愴。讀遺書而徬徨。始可謂之追思此之謂十孝。無處不宜孝。無時不宜孝。無事不宜孝。無人不宜孝。孝生于心。難以言盡。說此十孝。以勸世人。當知水源木根。屋柱山脚。天地本于氣。日月星辰。山川草木。本于天地。人本于父母矣。純陽子說孝誥中卷畢。虔誠有請衆孝神來臨曰。

志心朝禮 凡三拜

旋乾轉坤。純忠純孝。揖讓大德神聖。有虞大舜帝。無極至尊。

配天合地。純忠純孝。作述大德神聖。周西伯文王。無極至尊。

定禮成樂。純忠純孝。制作大德神聖。魯國周公。無極至尊。

傳道正德。純忠純孝。大成大神大聖。先師孔子。無極至尊。

志心皈命禮 凡一拜

仁讓公泰伯至孝神

恭恪公申生至孝神

異節公伯奇至孝神

誠一公曾子至孝神

勇感公子路至孝神

誠感公閔子至孝神

純謹公高子臯至孝神

純感公頴考叔至孝神

謹恪公樂正子春至孝神

漢太宗孝文帝至孝神

誠毅女緹縈至孝神

順惠女桓少君至孝神

堅節女陳孝婦至孝神

清簡公茅容至孝神

仁感公薛包至孝神

義隱公王褒至孝神

誠感公陸績至孝神

誠懿公江革至孝神

順感公王祥至孝神

敬懿公孟宗至孝神

雍穆公王延至孝神

誠悅女唐夫人至孝神

文敬公庾黔婁至孝神

文懿公何子平至孝神

誠敬公韓伯俞至孝神

誠感公董永至孝神

誠悅公老萊子至孝神

肅穆公丁蘭至孝神

勇感女盧氏至孝神

恭肅公黃香至孝神

節孝公徐積至孝神

誠愍公朱壽昌至孝神

至感公郭巨至孝神

靈保公姜詩至孝神

誠謹公毛義至孝神

忍毅公張公藝至孝神

聖教得統大忠至孝。光明通顯靈應少保。樞密副使。

武昌武穆岳公。護善大天尊。

三拜

孝誥中卷終

孝誥下卷

純陽子曰。父母是兩尊活佛。今世人不知敬。昔有楊
黼家貧。耕數畝。竭力奉親甘旨。一日聞蜀有無際大
士。辭親往訪之。塗遇一老僧。問何所之。曰。欲見無際。
老僧曰。見無際。不如見佛。曰。佛安在。曰。汝但回。遇著
某色衣履者。卽佛也。遂回無所遇。夜至家扣門。其母
聞聲喜甚。卽披衾倒屣出戶。乃向所言佛狀也。自是
知父母是佛。不用遠慕。况天下事之報應猶遲。惟孝

之報應甚速。一念之孝。神自知之。一事之孝。人自敬之。如孟宗之哭竹。王祥之卧冰。天性之感。何其神速。故孝子之家。祥雲常遶。吉神遠照。不孝之家。凶鬼在堂。戾氣冲天。可不懼哉。今世人動言繼母難事。子道維艱。不知天性可感。後母之不慈者固多。極惡者亦少。皆因世人喪偶續娶。前邊兒女。先將古來許多晚娘惡件。填在胸次。這邊晚娘。父母保婢。又唆教自立馬頭出來。兩邊人弄出搬來言。是言非。遂將天下繼母俱看得是不慈的。所以人子每遇繼母。不孝者多。今惟竭盡已道。動以誠敬。人非槁木。豈不心回。抑庶人之孝。與天子之孝。本一。庶人之父子。與天子之父子。不同。庶人不過養生送死。竭力無違。天子則家國之際。嫌隙易生。讒疑易起。如楊廣之弑父。肅宗之殺子。古今大變。天地寒心。故天子之子。肅肅小心。溫溫終日。無離左右。無廢溫清。無干政事。無畜兵馬。無延賓客。則嫌隙不生。讒疑不起。國本無搖。社稷長安矣。

余說孝誥。至此三卷。惓惓欲世人盡孝之意至矣。盡矣。倘執迷不悟。不獨負天地。負父母。且負余一片婆心矣。純陽子說孝誥下卷畢。

虔誠有請衆孝神來臨目

志心朝禮 凡三拜

旋乾轉坤。純忠純孝。揖讓大德神聖。有虞大舜帝。無極至尊。

配天合地。純忠純孝。作述大德神聖。周西伯文王。無極至尊。

定禮成樂。純忠純孝。制作大德神聖。魯國周公。無極至尊。

傳道正德。純忠純孝。大成大神大聖。先師孔子。無極至尊。

志心皈命禮 凡一拜

仁讓公泰伯至孝神 恭恪公申生至孝神

異節公伯奇至孝神 誠一公曾子至孝神

勇感公子路至孝神

誠感公閔子至孝神

純謹公高子臯至孝神

誠感公穎考叔至孝神

謹恪公樂正子春至孝神

漢太宗孝文帝至孝神

誠毅女緹縈至孝神

順惠女桓少君至孝神

堅節女陳孝婦至孝神

清簡公茅容至孝神

仁感公薛包至孝神

義隱公王褒至孝神

誠感公陸績至孝神

誠懿公江革至孝神

順感公王祥至孝神

敬懿公孟宗至孝神

雍穆公王廷至孝神

誠悅女唐夫人至孝神

文敬公庾黔婁至孝神

文懿公何子平至孝神

誠敬公韓伯俞至孝神

誠感公董永至孝神

誠悅公老萊子至孝神

肅穆公丁蘭至孝神

勇感女盧氏至孝神

恭肅公黃香至孝神

節孝女徐積至孝神

誠愍公朱壽昌至孝神

至感公郭巨至孝神

靈保公姜詩至孝神

誠謹公毛義至孝神

忍毅公張公藝至孝神

孝誥下卷

聖教得統。大忠至孝。光明通顯。靈應少保。樞密副使。

武昌武穆岳公。護善大天尊。

三拜

孝誥下卷終

忠孝誥總跋

純陽子曰。余本神仙。存心忠孝。每遊下界。見紅塵蔽日。白水滔天。爲臣不忠。爲子不孝。勸之學佛。何處參禪。勸之求仙。何處談玄。忠孝平實。可以久傳。與人臣言。依于忠。與人子言。依于孝。忠孝之文。存心有年。因遊回雁峯。得過花石城雲端之上。香風縹緲。見周永祐。秦文超。諸鯤胡思恭等。虔誠拜請。因作忠孝誥六卷。皆淺言近理。不敢深文奧義。舉忠孝神一百一十

三位皆事跡昭彰。不敢探幽索遠。使朝夕拜誦。廣佈人間。于今癸酉年十二月廿四日。批寫拜是誥者。用鐘鼓各一。以通幽明。用七星水。以洗奸臣逆子之心。用清香。以接忠孝之靈。至于衆神之諱。余恐世人不曉。故爾連書。拜禮之時。不可宣誦。如有儒釋道三教人。果能堅志奉行。細心體會。勸世人拜此誥者。天地清明。鬼神欽仰。功德現成。福祿無量。勉之勉之。純陽子作忠孝誥畢。因書于後。

題忠孝誥詞

梅仙

幾度到瀟湘。挑燈夜未央。春風一曲白雲鄉。一笑還一哭。坐在南山麓。忠孝萬言書。熟讀。

竹仙

古寺雁聲殘。明月上欄杆。三更何處冷蒲團。不笑亦不哭。忘却南山麓。忠孝萬言書。誰讀。

柳仙

袖裏是青蛇。籠內是丹砂。一輪明月夜開花。知
笑不知哭。跳過南山麓。忠孝萬言書不讀。

松仙

落日滿山紅。乾坤一掌中。丹成爐內起蛟龍。止
笑不止哭。踢倒南山麓。忠孝萬言書常讀。

妙仙童

日日燒爐煉九還。從容捧誥步雲關。幾多
山。一路春風接笑顏。

應仙童

瑤池昨日採桃還。又捧金言出紫關。綠綠水。青青
山。白雲無數繞人顏。

附下凡詩

鍾仙

紫霄宮外柳垂煙偶趁仙風下九天雲影山光同寂
寂一輪明月滿前川

蕭仙

瀟湘堤畔柳含煙一派清流映碧天試問白雲歸岫
否春風吹散滿平川

梅仙

附下凡詩

澄澄湘水碧如煙月映江流水映天雲漢霞光分五
色依稀紫氣遍山川

純陽道祖

香風縹緲駕仙鸞手執桃花仔細看七澤濤聲驚夜
夢三湘煙樹帶雲寒岳陽曾醉何關酒員嶠稱仙豈
是丹迴首唐虞成往事滄桑更變話無端

呂祖醒心經

目錄

醒心經原序

醒心開經偈

醒心真經

呂祖親示奉行規條三則

醒心真經原序

庚自甫齋就外傳。受孔孟書。迄今五十有餘載。雖未能一一力行。亦未敢稍軼其外。凡佛老二家言。屏不一覽。蓋恐浸淫於異端之說。或有悖於聖教也。今歲春孟客有與庚次男啓元交者。其室人病劇。音遍禱於神不效。而知庚家故藏正一真符。可致諸仙。乃亟請於庚。欲得真仙一問。庚素不信符錄事。爲其術近師巫。故雖得此符。祇束置高閣。從

未一試因堅辭之而客之請益力。庚不得已爲齋戒三日。二月甲申朔設壇如法焚符。凝神冥想良久。乩若有神附者。判云。一日子至壇中爲之肅然。客因整冠叩問。乩遂運轉如飛。視盤沙中字則右軍體絕妙草書也。語意元妙。一時未能遽測。乃錄之楮以俟後驗。次日里中好事者聞之。紛然各以事來試。事率默禱。人無聞者。仙不爲少拒。隨問隨答。乩運如前。略不停滯。握者手爲之疲。所答語率

用韻。非詩卽詞。各中事情。毫不寬之。間或摘發隱事。令人肌骨爲竦。因共相驚訝。以爲此仙非等閒者。乃就一日二字推之。知爲呂祖降乩也。然尙未敢遽定他日書符。誤填祖諱。仙忽降詩云。即使友朋亦喚號。如何慢同漫把我名書。由是益知爲呂祖無疑。越數日。呂祖降鸞曰。吾奉上帝勅命。救人度世。今觀近世以來。人情匆匆。陷溺紛紛。深可憐憫。我有醒心真經一卷。久欲覺世。今當爲汝等宣之。

庚等因屏息拭目隨此記錄錄完伏讀一過。義深慮遠。道宏教正。醇乎如孔孟之言。蓋約聖賢經傳之旨而成篇。與儒家語毫無刺謬。而世態物情。隱括殆盡。燭照無逃。雖通天之犀。照膽之鏡。不是過也。竊謂其言直出感應篇。陰騭文之上。可與五經四子書相表裏。噫。呂祖之心。其卽孔孟之心也歟。夫孔孟當日。栖栖皇皇。席不暇煖。欲以其道善當世之天下。乃竟不可得。於是退而考定六經。序述道德著書。以垂教。蓋欲萬世之人心同歸於善也。然惟吾儒有此志識。竊料神仙家皆獨善其身者。而今呂祖獨欲垂此經。以兼善萬世之天下。誰謂呂祖之心不同孔孟耶。庚同學諸君子多好善者。一見此經。咸欣然捐貲。請付剞劂。因亟梓以行世。四方君子。慎勿視爲異教之說而不之察也。康熙丁亥二月辛亥太倉顧周庚敬序。

呂祖醒心經

醒心開經偈

禍福無因。惟人自取。吉凶休咎。非天所與。善惡之報。不爽錙黍。改過自新。天曹獎許。

醒心真經

爾時無上仙師。雲遊空中。見有黑氣障蔽。紅光潛消。知天下之人。爲善者少。作惡者多。輪迴六道。旋轉四生。未有窮盡。而若輩作惡之人。不知不覺。冥頑不靈。晨鐘報曉。遂起慾心。暮夜不休。無非私意。私慾不絕。惡端日起。不忠於君。不孝於親。不敬於師。不信於友。私其妻子。傷其手足。慢其尊長。薄其親戚。同室操戈。負恩反噬。殘忍殺命。昏劣蔑理。倚勢凌弱。結黨暴寡。造計害人。唆音梭訟漁利。縱役縱僕。殃民肆虐。機械變

詐。作爲不法。欺謀孤嫠。

音離

侮弄老穉。取不義之財。淫

非已之色。奪人之產。坑人之貲。擠人之危。困人之窮。壞人之名。敗人之功。阻人之善。抑人之才。傾人爵位。損人財物。破人姻親。間人骨肉。構人爭鬪。誣人過失。談人閨闔。辱人婦女。謗人伎術。截人生路。發人陰事。負人重托。背約違誓。翻雲覆雨。誘人爲非。助人作惡。好人所惡。惡人所好。言不忠信。行不端正。曲直違心。毀譽隨意。訕音散謗聖賢。褻瀆神明。仇敵正人。狎昵匪

類身居下流。甘爲汙賤。玷辱祖先。貽憂父母。行險徼

交。^音倖苟免無恥。貪得無厭。知過不改。怙終遂非。聞諫

加怒。耽樂賭博。迷戀花柳。好勇鬪狠。酗^{許去聲}酒。詈罵。

聚談穢褻。妄興劇戲。耗難得財。作無益事。不惜物力。

不重五穀。殘毀經書。拋棄字紙。居不學業。動不循禮。

知德不酬。忘本不憶。敗廢祖產。暴^{音僕}露亡柩。臨喪不

慎。致祭不誠。制中生子。亡忌舉樂。居室不和。教子不

嚴。待下不恕。撫幼不慈。治家無法。貽謀不善。嫁娶不

時。致生淫佚。分撥不均。致生爭鬪。奢儉違宜。事失體

制。當爲不爲。營求分外。見富妄圖。見貴豔慕。失足不

悟。^{音濡}首不止。飾貌盜名。違道干譽。喪己徇人。矯情

絕物。觀理不清。聽言不察。知人不明。交友不擇。接待

不恭。出話不謹。處分不當。當局不慎。小忿不懲。遠患

不慮。立志不高。居心不一。古訓不遵。師傳不習。省過

不勤。檢身不力。負慚大廷。獨欺暗室。種種過惡。不可

枚舉。又見縉紳大夫。則患得患失。逢迎固寵。賄賂公

行治安莫講不憂國事不念民瘼音損下益上酷刑

濫罰聚斂有才聽訟無術見利不興見害不革好爵

是縻實曠厥職文人學士則荒廢經傳奔競功名矜

才炫能誇已忌人又或造作淫書蠱音惑士女捩成

野史淆亂是非流害無窮作孽莫大庸夫俗子則胸

無點墨目不識丁輒冠儒冠服儒服徒思蠅營狗苟

不知返本窮源稍得寸進面貌昂然蔑視小民傲睨

音先輩遇單寒則掉條上頭不顧見顯達則搖尾乞

憐刻剝窮人錙銖必較守財慳吝見義不為不度才

不量力強不知以為知假不能以為能附會斯文胡

謫音滿紙見人著作妄肆譏評區區斗筭言之可恥

少年子弟則製美而衣擇腴而食悠忽終年嬉遊竟

日不知稼穡艱難不念寸陰堪惜老大無成傷嗟何

及農工商賈則漲五穀以入市雜音賸物以取利貴

物賤買低貨高賣價不隨值錢不卽給秤音戡音等

斗尺不公不平出輕入重出小入大欺謾音愚穉凌

壓辱弱。造作不固。効力不勤。暗設魘音魘。浪費工料。

損人損物。天之所怒。藝術九流。則學業未精。便思行

世。輕視死生。妄談禍福。小則傷人財。誤人事。大則隕

人命。絕人祀。豈惟人怨。且有天刑。吏胥隸役。則婪音婪

賍。作弊舞文。弄法。增減事情。出入人罪。縱奸陷善。罔

上行私。錢糧恣其侵漁。詞訟任其起滅。炙詐編氓。凌

辱士子。此等之人。永墮地獄。仙佛不度。斯音斯養奴僕。

則食人之食。不思忠人之事。居人之宅。不知感人

之恩。當面趨承。背後訕笑。明中効力。暗裏侵財。心不安

於貧家。禮每失於辱主。既已委身奉事。又復蓄念他

圖。犬馬不如。神人共憤。婦人女子。則性本陰柔。見多

偏隘。每爲乾音乾餽音餽。啟釁。常因長舌與殃。非無禮於

舅姑。卽失和於妯音逐娼音李。非苛虐其子婦。卽妒忌其

媵音孕妾。傾女君以邀寵。凌夫子而自專。骨肉成仇。親

姻不睦。罔知四德。寧曉三從。至有帷薄不修。淫奔可

醜。既玷本宗。又辱夫族。決江河之水。難洗其羞。迴日

月之光不照其穢更有身為牙嫗。

音禡

口習誑言誤人

婚姻將拙配巧誘人子女略良為賤喜為引線之針。

最壞名閨之節一淪地獄永失人身僧尼道士則不

解經典不守戒律淫慾未絕。

音薰

酒莫除借端化財

實圖舖啜勸人禮懺徒為金錢方便不開慈悲安在。

建醮則天神絕響作會則男女混雜何曾見性明心。

未見葆精煉炁勞逾白屋濁倍紅塵孽豈易消罪應

加等是諸人等所作過惡習與性成毫不自悔所以

黑氣凝結聚而不散昏昏然如霧障天逐逐然如魔

附物自古迄今茫茫苦海無時得度而若輩漠然安

之羣然趨之陷溺日深可為隕涕若夫為善之家百

不得一或資生無產不能自振或同志無人不知自

奮或阻於時勢廢焉不前或抑於流俗喪其所守或

勉強為善而志實不堅或中心向善而力有不足或

一時從善不能淑其終身或一已好善不能化其眷

屬或始念甚誠中道改轍或力行不怠偶爾蕩心或

功夫未到。妄想非分。或造詣將深。忽求效驗。如是爲善。卽爲入惡根苗。所以善氣上達。方起卽伏。無上仙師。雖復憐憫。無可奈何。可勝浩歎。今爾等若欲消除黑氣。大發紅光。須聽偈言。香火何時滅。滅了又重然。人於大海中。百千億萬年。生老病死苦。終身被牽纏。因緣念上起。念上起。因緣夢覺卽無夢。泡影亦虛懸。電光石火中。埋沒許英賢。那見杰出者。不是活神仙。偈畢。願爾等大衆。生生世世。在在處處。永不起貪得心。瞋怨心。殺傷陷害心。忤逆凌犯心。奸淫偷竊心。占奪爭鬪心。欺蔑侮弄心。奸詐誑騙心。嫉妒毀謗心。諂媚趨附心。驕矜傲慢心。慳吝苟簡心。奢靡逸樂心。妄想分外心。求謀鑽刺心。眷戀富貴心。憂愁貧賤心。計較得喪心。分別爾我心。炫耀名譽心。遮蓋過失心。瞞昧自欺心。膠執自是心。疑惑猶豫心。懊悔改變心。畏難退縮心。安逸自在心。苟且小就心。責效旦夕心。如是等心。各各猛省。務使方寸之中。空空洞洞。一物不

交一私不受。如皓月當空。萬境澄徹。如明鏡照人。鬚
眉畢現。更加慧劍在身。可以水斷蛟龍。陸剗音犀象。
斯爲夢醒。不在大夢。又常起怖音懼心。慙愧心。歡喜
心。決斷心。勇猛精進心。堅固耐久心。凡此等心。須以
大智慧照之。大精神赴之。大力量任之。斯能無微不
燭。無堅不破。無難不成。身混塵俗。志氣清明。與天地
合其撰。與鬼神合其德。何有於仙。何有於凡。何凡之
非仙。何仙之非天。道化一理。天人一家。黑氣消滅。紅
光燭天。是謂大醒。永不入夢。夫其有黑氣紅光者。何
以故。人之有身。如天地之有五行。五行別爲五色。五
色之中。紅爲暢滿。黑爲滯塞。人之心。一於惡。則胸中
壅塞。不能流通。故生黑氣。一於善。則仰不愧天。俯不
忤人。胸懷浩蕩。暢美快足。故生紅光。夫人之良心。未
盡滅絕。雖在奸惡言及善事。亦必面從。其面從者。由
其善根未泯。其終不爲善者。由其習惡既久。心靈蔽
塞。不知爲善之樂。不知爲不善之害。謂天地鬼神於

我無見。於我無聞。夫天地鬼神。豈真無見。豈真無聞。人自不見。人自不聞。昏昏冥冥。恣其所爲。詎知天地鬼神。默伺微窺。洞若觀火。善不可掩。惡不可藏。殃慶殊途。報應如響。自古及今。未之或爽。易曰。積善之家。必有餘慶。積不善之家。必有餘殃。所謂積者。或以月計。或以歲計。或以世計。蓋非一朝一夕之故。其所由來者漸也。積其善。可以一世。可以十世。可以百世。可以千萬世。可以無有盡世。積其惡。輕或可以二世。重則不能一世。吾觀普天之下。有積德礪行。半生軫音坎軻。音可時至事起。一朝榮顯者。又有簞瓢樂道。終身窮餓。百年之後。究與蘭蕙齊芳。日月爭光者。又有盡瘁事國。殺身成仁。名既留於身後。福亦降於子孫。報或顯於來世。祿必享於天曹者。又有富貴之家。偶行不義。福消孽積。罰及後人者。又有衣冠之子。未聞大道。身多疵病。受累無窮者。又有蚩蚩之輩。不知三尺。敢作非爲。轍罹法網者。又有凶暴之徒。橫行無忌。罪惡

貫盈身家破壞者。是非天道不齊。皆由其家積善積不善。自所召致。不足疑怪。蓋天道人事。默相符合。不爽毫髮。亘古如斯。於今爲烈。智者知而信之。則可以寡過。可以致祥。愚者不信。則禍不旋踵。人苟欲除殃積慶。務須遵守吾教。大醒自心。勿許一念游移。勿許一時間斷。久久自然黑氣全消。紅光繚繞。不獨一身榮昌。子孫亦獲吉慶。不獨一家康泰。一里盡得消殃。但吾教玄玄。玄之又玄。識得玄玄。神仙有傳。不識玄玄。徒事談玄。謂之瀆仙罪。亦彌天。謹守吾法。慎勿略焉。愚蒙比比。願爾先覺。更以覺世。功亦齊仙。面是背非。報應必顯。尙其免旃。大衆寂靜。諦聽偈言。道德無終亦無始。善則福增。惡禍至。若能滌慮并洗心。從前作孽皆堪恕。我今大開方便門。願引愚蒙同入道。勿謂不覺與不知。天曹日日關心竅。

呂祖親示奉行規條果報

一凡讀是經者。務於每日清晨。盥漱焚香。洗心滌慮。志誠朗誦此經一遍。然後料理諸事。不得束置高閣。

一持誦之後。務須潛心玩味。身體力行。每夜省察一日所爲。有何罪惡。久久行之。自然功多過少。慶積殃消。不得口誦身違。虛應故事。

一是經爲救人度世之經。有能刻板流傳者。自身榮

昌子孫吉慶。有能刷印廣施者。救諸苦厄。凡事如
心。有能奉行不倦。有功無過者。不論人等。卽成仙
佛。有祕藏毀謗。見不奉行。殃及一身。禍流後代。
慎之慎之。

己上三條。係呂祖親示。讀者務觸目警心。依教奉
行。勿徒作文字看過。有幸聖訓。

福建林方澤家數代信誦忠孝誥經。并刻書送人。
母死未葬。遇一道人來家指點吉地。一穴葬畢。授
謝辭曰。二口不受謝。方悟是。

呂祖顯聖後數十代。爲顯宦。至今無林不開榜。

江西熊永茂自四川販貨回家。船至鄱陽。陡遇風
波。洶湧驚惶。無措。叩許忠孝誥經。願刻五百部。比
時風恬浪靜。後售貨得價。獲利千金。及今家資巨
富。

四川孫啟賢家遭時疾連病八人遇一道人送此

書一部令他誦拜復又祝叩 祖師願刻此書千

部衆病卽愈

湖北周美先父患背花疼痛難忍醫藥不效願刻

忠孝誥經千部父夜夢

呂祖治背未十日痊愈

河南聶順萬妻曾氏臨產三日幾危焚香求

祖師保佑願刻忠孝誥經三百部卽產一男母子雙

全

陝西高世貞母患筋骨疼痛衆醫三年不效請叩

祖師願刻忠孝誥經三千部未兩月大安

山西王任周平日夫婦行孝鄉黨聞風年五十妻

年四十無子祝叩

祖師求嗣虔誠誦拜此誥并刻此書八百部連生三

子俱登科第

呂祖忠孝誥經降世千百年通行天下信受奉行之

忠孝誥 果報

家

祖師卽來顯聖擁護感應甚捷無處不有效驗不能盡載同志者共勉之

祖師真經寶誥正心修身齊家治國盡在是矣是書所藏之處神靈守護甚勿輕焚敬之重之

祖師佑之



板藏福省東街口宋鐘鳴刻字舖願刷印送者每本紙價銀壹錢貳分正

道光己亥秋桂月養志堂刊板印送叁佰部

滋德堂丁孝友敬送壹百部

夏田堂陳世澤敬送壹百部

瞻岵草堂敬送壹百部

邵泰筠園蕭烜敬送

川秀詩

福清施鴻焜敬送

安邑李培傑印送叁拾部

道光癸亥年冬養志堂又敬送叁百部

